



05150

裛遺草堂詩鈔卷七

北平楊翰伯飛

去歲得吟樵書謂在故友吳秋伊篋中得余

畫不記何年作也令予來楚攜至屬題

乃都門古寺中贈別秋伊之作棖觸余懷

賦此却寄

瀟湘得書感良友謂有殘畫落君手不知何年寫
秋山舊事蒼茫揣摩久君言得自壺山翁篋衍蕭
條空所有居士身滅如浮雲金石猶存骨已朽每

裛遺草堂詩鈔卷七

念春明數晨夕困頓相依惟此叟誰憐做裘裊風

雪獨倚殘燈辨蝸蚪凌轆文何法屢變追逐丁黃

世無偶

秋伊鐫印
世無二手

生平愛作灌夫罵肝膽困輪鬼

賊走古寺荒郊別夢寒行腳打包前約負昨聞槁

木化寒灰槌拂淒涼莫回首擬傳印人志幽墳藉

作隻雞供斗酒無定雲龕香火深檢畫懷人懸座

右一卷珍重付斜川展覩墨痕忘筆醜爲嘗鯁魚

嗜落痲竟寶千金忘做帚深夜寄我招隱篇故友

驚心喪入九有山不歸怨猿鶴望秋先零歎蒲柳

叱犢他年待耦耕莫負荒原田十畝

瀟水東岸得小巖俗名新巖愛其幽僻名曰

息景闢石徑建清暉閣淡慮亭春日偕同

人來游賦詩紀事刻之巖上

言尋瀟汭東得此巖壑秀元柳昔所遺山靈未占
妬我生癖烟霞夜夢入石竇詰朝穿竹林路轉蒼
崖覲前人美朝陽此巖嫌隘陋我獨愛逋峭冷趣
足留逗茲山如隱士與世不遯邁膏肓泉石人淡
泊乃相湊危磴下幽蹊欹石滴寒溜崩崖欲墮江

褒遺草堂詩鈔

卷七

二

俯抱老樹救蜿蜒入幽洞窄窄屋懸雷日月蔽陰
陽雲水錯昏晝拗折心鬱紆一穴忽通透正愁石
氣森轉見天光漏上有萬古藤詰屈如篆籀陰苔
積斑剝老竹倚寒瘦天然石作橋釣磯若宿留跌
坐洗我心萬物任詭詭崖背峙崇岡遊屐未窮究
我來鑿混沌榛莽付樵樵摩谿石坪開伐木成結
構淡慮眇澄江清暉列遠岫仙人留棊枰幽秀畫
難就及春集游侶山翠溼衣裊眾卉已蓓蕾羣鳥
正覈殼遙青浮巘濃新綠積林茂是時春水漲噴

薄雲根漱百川浩呼洵青天萬艘走箕踞發長歎
水石紛錯繆撫化感吾生蜉蝣閱世宙東南青山
多江湖纏盜寇此巖善韜藏知爲造化宥不須邱
壑深亦覺胚胎厚何年荷蓑笠從茲棄圭綬長歌
謝元柳探勝吾來又命名曰息景吾將借爾壽

愚園十二詠

續新堂

柳州記新堂楷法二千石驛騷動軍書整暇理簡
冊古桂立無言幾番見此客

裛遺草堂詩鈔

卷七

三

撫畫傳詩之室

王蓬心李海帆兩先生及
余守永相去皆三十餘年

余最喜蓬心先生畫海帆先
生曾手書游峩眉詩見贈

卅年爲一世兩見儒雅師篋衍瀟湘圖親炙峩眉
詩視昔猶視今清風或遇之

古懽樓

通明聽松風學道避人迹我營挹婁梯但看青山
色空林法華鐘泠泠澹將夕

課蔬台

齊民有要俗誰假挈瓶智一畦寒色深黃蝶土衣

袂閉門老英雄早動秋風思

小有林泉

謝鯤謂庾亮邱壑自過之鑿坏似窠尊綠陰一局
碁幾先著偏後此意何人知

靜碧池

江湖山藪思雨積陂塘足鳧鷖共拍浮點破一灣
綠永延素心人明月穿林入

渡雲橋

林外野雲低欲渡衣裳冷游魚潑刺聲石畔著筇

裛遺草堂詩鈔

卷七

四

簪憑闌山雨來空濛見笠影

柳東榭

蓬心先生別號柳東居士梅孝女
祠先生重葺余藏先生書昌黎句

刻楹
間

蓬樵守永州重葺孝女祠高柳老於人應見行坐
時接葉綠濛濛中有昌黎詩

小南阜

已未賊退後余病右拇甚劇偶以
左手學高南阜先生書歸雲先生

盒名也余疊石坡
上刻小南阜三字

膠東有古狂書畫我心醉昔年病右拇亦數書空

字片石似歸雲聊寄老髯意

洗心齋

黃石齋先生洗心詩余有墨本因取二字以顏齋

石齋洗心詩真率見忠孝取顏池上居七年此嘯傲雙瞳清寥寥水天得奧窔

似舫

江東憶菰蘆矮屋疑漁船壁上青山多咫尺江吞天何年理歸棹生計總茫然

息巢

庭柯久息我孤桐依小巢重簾蒸水沉風雪留心交夜深人迹絕鶴鶴夢寒林坳

裛遺草堂詩鈔

卷七

五

重修竹林寺集同人游宴周遷安用余九日
綠天奩韻紀事依韻和之

閣黎興廢幾春秋綠證三生語石頭惠子能知臨水樂客兒慣作入山游彈琴僧去空前夢看竹人來寫古愁小別終須還隱此茅亭營得署休休

去郡泊舟再游竹林寺小雨涼甚又用前韻

古寺涼生五月秋淡烟飛雨小樓頭片帆已向江邊挂雙屐仍從竹裏游但使雲山開色相不須詞賦動離愁再來魚鳥應相識早製荷衣擬乞休

泊舟浯溪得笠帆詩再用綠天庵韻寄和
幾度高吟記九秋撩人舊夢上心頭空山松寺成
陳迹樽酒荷廳悵昔游鐙影自銷風雨夕江聲如
瀉古今愁他年定作谿園隱不待鐘鳴我欲休

別後屢得笠帆詩殊增離緒小詩却寄

維舟夜語意纏綿大隱山城不計年詩思濃於千
嶂雨離情黯入一江烟種蕉共證清涼夢看菊誰
尋冷淡緣好向祇陀摩片石姓名留與後人傳

和笠帆詩
於綠天庵

袁遺草堂詩鈔

卷七

六

浯溪上余築谿園精舍去郡來此與朋儕流
連數日孫閬青爲作古松箒子再用綠天

盒韻

虛堂怪底變涼秋磅礪爭看顧虎頭夢裏峯巒黃
嶽路夜深風雨碧雲游奔騰濤捲疑龍吼寂寞山
空有鶴愁忽憶慈仁讀書處草荒堦院悵裴休

昔年
讀書京師報國慈仁寺古松下與
戒學師禪悅令戒公久化去矣

與同人浯溪夜語仍用綠天盒韻

烏帽黃塵漫七秋今情古意聚溪頭杜陵感事懷

聲叟

少陵有和次山春陵行

山谷尋碑憶少游

山谷觀中興碑有少游未

見之語

獨對江山悲往迹欲鐫石壁篆新愁一痕涼

月窺林入照見勞人汜小休

空舡峽用杜老韻

余守永州歷九疑三吾諸勝拄笏看山殆

無虛日去郡後自衡州以下頗覺山水平

淺忽見峭石幽秀樓閣崢嶸亟登之乃空

舡峽也壁閒刻杜文貞公詩感公南來作

詩漸少憂時傷事千古同之因用原韻題

袁遺草堂詩鈔

卷七

七

於石上

道元注空舡涉江思遠眺方嫌林麓平忽得巖壑
妙孤根接蒼茫半壁聳奇峭佛座滴幽泉僧廬入
返照短褐杜陵人南來發吟嘯今古同一悲烽火
連荒徼草堂久不歸猿鶴將騰誚誓將事田園齊
民術爲要

將赴五筭在長沙浣垢禪林置酒與黃海華

語別後海華寄詩次韻寄畲海華亦守永

接踵十三年矣

誰製惠文彈柱後一十三年繼政久息景多君營

釣磯一竿先入江湖手

永州東巖余命名息景刻息柯釣臺四字

蕭寺

蔬盤延早秋小山叢桂難招留蒼茫一舸五溪去

風烟瀕洞昏壺頭溪蠻又起矛頭火馬箠籌邊無

計可回思魏尙守雲中馮唐老去能知我煨殘楸

拙披良書白云長揖歸田廬著書欲學猗玗子

元次

山避世猗玗洞著猗玗子若干卷

谿園同隱君何如

新葺愛石廊落成得一小詩

官舍涼於水先生此陸沈莫拋閒歲月來就小山

裒遺草堂詩鈔

卷七

八

林奇石含秋意疎篁生道心虛廊碑碣滿懷古一

長吟

龍陽西竺山有張顛墨池久圯余前守常郡

未得來觀甲子秋日過此作一詩屬邑人

重新之

竹符曾縮九年前此日來尋淨土緣無復修篁鐫

姓字空餘喬木長風烟墨池零落悲遺迹梵宇荒

涼悵老禪惟借諸天龍象力重開初地朗江邊

重至沅州感事

蕭蕭落木遶江潯鼓角蒼涼夕照陰戎馬十年銷
壯志乾坤萬里老秋心凋殘綠野傷興廢黯淡青
山闔古今俯仰據鞏思將帥何時勢面盡成禽
縱橫一劔指西陲颯颯秋風感鬢絲銅柱何年消
瘴癘朱鷺終古識旌旗雲中魏尙來偏暮京兆田
郎遇豈遲重向星巖尋老衲草荒塲院不勝悲
樓上芙蓉久寂寥當歌對酒憶龍標三秋早度臨
洮馬九寨仍盤大漠鵬問柳尋花嚴僕射開邊拓
土霍嫖姚幾回星斗巡檐看誰埽天狼答

褒遺草堂詩鈔

卷七

九

聖朝

衙齋閒訪舊吟窩白叟黃童聽笑歌從事賢能慙
十部壯游意氣夢三河馮唐老去鋒鋌減丁令重
來感慨多好向明山留片石使君一過一摩挲

秋閒黃海華去永順郡贈詩冬後始和韻卻

寄

嚴霜肅林莽寄遠空寒山疲策滯逸軌故籍聊研
鑽昔別數損書涼蚤唳晚天蹉跎芳草歇卷置襟
裒閒君名在南服兩控烏腳蠻刑書出深故講堂

還舊觀高秋騁登頓絕壁橫邊烟寒風正折膠兵
氣多摧殘奇骸久無用悲嘯浮雲端軍無橫草功
拊膺起長歎我夙繼君踵降首曾縛牽今胡處壁
上氣涌張空夸麟趾並裊蹠殿最誰曰賢崔蘇負
藻采廉藺徒辛艱乾坤誓盪滌奧區覆孟安儻募
空自喜跡弛誰爲憐但有負俗累而無塞望權往
者埒媒檠無人知守邊積毀乃銷骨况有非意干
平生浩蕩意未謀歸耕田五湖隨所適且放瀟湘
船君老神不疲勿謂濟勝孱文字與事功汲汲兩
裋遺草堂詩鈔

卷七

十

足傳嗟哉時序暮信矣知音難

龍陽西竺山寺久圯旁有張長史墨池亦蕪
穢余十年前典郡時寇初平未及修復今
官五筭來游曾賦詩屬邑人士新之越一
年墨池已復寺尙待葺上巳日自長沙過

此爲賦長句鐫壁閒

舟行十日清且閒春風吹入洞庭灣三年兩度尋
廢剎峻鳥笑我真癡頑江頭昔日走梟獍支提一
炬林壑殷至今殘僧縛茅住貸粟僦屋殊辛艱我

聞人言修竹好一亭秀絕撐烟曩下有墨池湛深
碧張顛作草雲波閒來游只有喬木在未見綠玉
相迴環荒園半畝盡衰草廢院到處生落斑夕陽
捫碑字零落秋雨滿滄波潺湲我來懷古一悽惻
當時筆力誰能攀以頭濡墨逞狂怪太湖精久傾
區寰屏障齋壁盡揮灑胡牀獨據心幽嫺遠追皇
索神更王下方羅趙力豈孱但見古色起萬里誰
將遺法傳一班近得郎官石壁記追逐虞褚文般
般濟之敬美有題識正書在世傳偏慳擬選貞珉

褒遺草堂詩鈔

卷七

七

刻寺壁有如清臣刊八關癖書每憶柳子語失之
則戚得則憫幾回遺書浼父老鳩工庀材輸百鏹
敗垣斷瓦盡拾掇搽疏林澈除榛菅龜頭一椽構
草草方院舊觀今已還重游正喜逢上已維舟三
日雨潛潛野桃半開柳全綠今朝霽色開青山寺
僧導我踏春草石闌曲水流漩環林閒格磔聽幽
鳥池面淡漣飛孤鷗清聲時復雜裙屐勝事且自
尋蒲菖僧言池復寺未復梵庋何處棲杖屨我於
古佛有深契再起福地瞻華鬘何時睜矚金湧地

雲護脂帝光爛爛五年悶瞽守邊隘坑壕遠扼西
箚蠻高秋麾兵走鋒鏑鬼區跽藉今伏跽輕轡誰
曾論孤績影纓無那凋華顏欲尋雙林禮淨塋至
人寂滅無由扳少選人天會方丈團蒲一坐除憂
患平生見佛如夢覺髣髴遠客歸鄉闈況於文字
有結習負俗那顧來嘲訕春寒山氣清入骨世慮
如草皆除刪他年再見崖寺古行脚未及雙鬢鬢
拖舟又復逐春水迴看月上蛾眉彎

詩境篇和何子貞丈作

衰遺草堂詩鈔

卷七

三

方好菴三刻放翁書詩境字韶郡直刻桂
林橫刻窠尊後字則未之見余守永州軍
事餘閒掞輯古刻於桂林龍隱巖覓得拓
本攜之行笥自移官五簞山水枯寂儔侶
蕭寥去歲寄一拓至長沙索何貞老題識
并錄蘇齋跋尾貞老忻然賦長句四十韻
俾人付之裝池越一年始得見又以事擾
未及屬和泐題詩乃丁卯重九今戊辰又
過古重陽矣守邊五年將北上引對壁闌

懸此巨幘走筆步韻嘉平月爲貞老生辰
以周虎鍔及白鷁鶴銘視爲壽附詩貞老
當更有答章也

昔年訪視老學庵視史第五傳髯參

放翁老學庵視高南阜山

人舊藏上刻陶澄君三字在視史第五葉余在京無意中得之南阜有髯字印篋衍如公

久在蜀蹤迹多付巴人談崧卿有子字孚若莆田

心折拜劍南鉤摹學窠再三刻淋漓元氣何沈酣

宏尊之刻在嘉定西州馬策悲羊曇

宏尊之刻在嘉定五年放

翁嘉定二年卒驂鸞浮鶴語荒幻直從方外追瞿聃兩過

褒遺草堂詩鈔

卷七

三

營道拓元篆唐堂亦復開精藍公如昌黎兩見謫

我似中散七不堪憶從五桂覓撚本龍隱遠寄鉗

鋤潭縱橫筆力二臥虎剝蝕歎識三幼蠶

放翁詩頗喜蠶

三幼自註鄉中謂蠶眠爲幼

韶郡直刻未曾得摩挲橫扁一反

三郡齋亦懸梅李像同參詩味如醪醴

永郡亦學放翁懸梅

子真李八百諸仙像放翁有郡釀不佳之語

海天浩蕩拓詩境三吾兩

粵氣長谿東園移家意冉冉可齋卧病心媿媿風

月軒窗助嘲詠蒿萊廊廟懷憂慙

放翁墨迹晨起詩有廊廟均蒿

萊之句周公謹以下題跋甚多

挂冠神武及晚歲龜堂隙地幾胡

柑明氏相山見王十朋會稽賦山僧巷友共放脚若耶烟水昏

溪嵐智者寺同敬叔札蘇齋久已飽蝨蟬潭溪藏有放翁

智者寺入札桂林杜敬叔札龍鶴菜香自淡泊錫山筍味殊清

甘放翁跋山谷書謂此卷不應攜在長安逆旅當與山中人共小巢龍鶴菜餅掃石煮茶共讀又

詩簡錫山筍枯皆開禧丁卯作貞老賦詩是年亦丁卯禪師遺墨仲信贖二

帖久化無從探放翁為明遠題卿禪師遺墨及與仲信議婚二帖見續書畫題跋記

此書好庵親侍側霍如怪石馳驚驂當年草堂拜

公像杜陵憔悴為同龕蜀工部草堂以放翁配祀余曾為裔孫陸敏齋題公

像萬里橋邊走獼貍舊游夢境憂心慄身世直同

袁遺草堂詩鈔 卷七

七

五石瓠園圃久荒三寸柑惟有古墨塞皮閣山水

佳處垂繻菴東洲居士老尊宿王儉敢謂一覽諦

柳侯祠旁重結襪惆悵別後疏荒叟芝巖息景君

不至江山枯寂虛篋盃評書早已邁崔杜獲古亦

復追僑鄰君詩真境闢千古萬靈百怪同韜舍名

山大澤足迹遍撫弄水石性所耽清談嗜酒晉山

簡掣金鏤石唐鄭覃我握邊符媿逋蕩綴學自笑

同癡慙構亭聊復名詩境縛茅躋柳垂鬢髮篋器後構

小亭顏五年正苦撥煩吏乘此便擬抽朝簪薦荷

折芰待清晏快嚼秋鳥擘水蠅近日東南頗來俊味真老曾以見贈

秋鳥出乍浦見西坡詩古重陽過泛秋水菊花滿舟酒盈甌

檢君題詩歷裝去嚇蹶滿箱仍貪婪壽君周銅虎

鯨鶴銘硯祝君康疆竺厚千秋道義長荷擔

桐江四望圖爲李次星同年作

李次星同年作宰蜀中尊甫星門先生就

養嘗寫山水自娛耄年歸粵旋歿次星卜

葬於桐江築室墓旁數年始出山作圖以

寄慕想昔年余守永州次星來永同訪元

裛遺草堂詩鈔 卷七 五

柳遺迹并爲余購得費氏先塋圖圖爲此

度先生屬石濤僧作未竟而此度歿其嗣

葦檜乞足成之與此圖意旨相合次星入

川迂道五筭訪余適余將入都幸未相左

舟中聚談旬日爲題長句以紀蹤迹

朔風吹客江水枯未見故人先見書相思萬里走

霜雪索題篋衍桐江圖五溪舟中一展讀松楸慘

澹雲糝糊昔年作宰青城麓爲訪山水迎安車寫

遍邱壑倦游覽歸歎旋慟道山徂君家桐江萬山

窟山中徧覓先人廬大神峯高矗天際眾峯羅列
兒孫趨嶮山得穴卜佳壙白雲縷縷來盤紆芙蓉
西望悲陟屺千年老木棲慈烏五年小隱在林藪
弄孫課子忘居諸一木一花寫風格萬山萬水供
範模我典零陵喜君至同弄水石尋入愚朝陽息
景足迹徧新詩石上爲鉤摹次新游息景巖詩余爲刻石上評書
讀書如啜蔗儕俗笑我真癡迂別後更番寄畫本
重寫清景如追逋次星爲寫朝陽巖緣天盦諸圖屢約壺頭訪漢
迹偏值草草趨官符幸從篷窗聚十日同舟李郢

袁遺草堂詩鈔

卷七

去

相懽娛憶君爲覓石濤畫費氏先塋圖邱墟當年
峨岷跛道士大江孤艇名誰如葦檜爲索殘僧畫
卻令世外悲潛夫石濤僧題有不堪吾老哭潛夫之句至今皮藏味

孤冷與君此圖懷哀俱我欲白表瀧岡墓相如橋

邊器榛蕪先大夫茂州公墓在成都駟馬橋側稚子闕與楊公闕古

今相望曾無殊他年戢影傍親冢畚鍤負土酬恩

劬人生惟有歸田好安用簪組相紛拏君言世情

嶮巖甚出口恐被他人狙酒酣日落意浩蕩催歸

林外時相呼何當各寫一圖就此隱豈同萬生擾

擾蜩鷺飛槍榆

李次星畫梅爲江雨田司馬題時在沅陵舟

中

老梅如高士閱世鬚眉古故人爲寫真冰霜化肺
腑花光擊底魂萬紙飛墨雨不見李生久言訪五
溪游爲題桐江圖墓廬隔榛蕪佗時宦成後歸作
青山主文通吾老友瀟湘留治譜相逢情語多篷
外雪花舞明朝揮手別此意何年補一紙冷雲深
羅浮夢栩栩

裛遺草堂詩鈔

卷七

七

裛遺草堂詩鈔卷七終

裒遺草堂詩鈔卷八

北平楊翰伯飛

重募萬年少送顧亭林秋江別思圖舟次白
沙洲次黃海華題句韻

塊塋山川感慨增高人晚歲證南能白沙落日秋

風渡恨不同舟有二僧

亭林先生有同王元俔及楚二沙門泛舟之句二沙

門蓋熊魚山及髡殘也

家性農太史為題松筠盒憶舊圖次韻寄懷

文章通性命迹阻每神往萬籟鳴笙竽坐聞山壑

裒遺草堂詩鈔

卷八

一

響寂寥正愁余個儻空懷曩共讀清秘書偶脫林

下鞅言尋駕部堂孤忠發夢想二子翩然來骨聳

氣精爽

性農借黃子壽同年相遇于松筠盒

談深石氣寒靜觀林木

長吾宗湖嶽秀天散解塵網文骨立周秦詩筆亦

莽蒼忽厭東華游洞庭理歸槩同聚定王臺長嘯

激林莽俯仰天地秋萬事等塵壤鑿石為嵌碑看

山偶曳杖天游指江海安能處益盎吾道在斯文

雄篇寄心賞蟠飛應龍神嶠峯巨靈掌字古山刻

屈氣鬱雲摩盪孤篷五溪深風緊雪光晃一卷避

俗攜軍持伴供養

偶得劉寬甫自製竹軍持

回思諫草亭年年

拜公像爲摹霸州書大節見直讜重尋傳侶稀僧

廬空鶴仰

五月十七日忠愍公生辰同人咸詣松筠盦拜公像余重刻忠愍公與霸州王

遊書手迹

摹鶴壽二字製硯壽何貞翁

從鄧完白鈎本

眞侶沈冥石氣寒千秋龍爪字摧殘王陶顏顧紛

無定賴有華陽舊館壇

鶴銘以舊館壇碑定爲陶隱居書

前年貽我申者本二字摹從完白翁暖鶴皆爲無

量壽相期彌勒一龕同

貞翁以李申者先生藏本見贈貞老自號暖叟

袞遺草堂詩鈔

卷八

二

己巳禊日舟次維揚題汪硯山畫石卷

修禊紅橋日恰符多君石友見眞吾梧桐百尺涼

成夢我欲重添五客圖

漁洋山人五客圖蛟門先生作敘歸余藏殊足寶重

畫舫揚州迹已陳江山勝處著詞人澄波千頃汪

汪度一勺南宗寫古春

過宿遷縣訪故人王惜庵有感

王惜盦摹刻高南阜山人硯史晤於京師

松筠盦後音問阻絕閱二十餘年聞其長

君明經歿於水令來訪池東書庫見金石

書畫叢殘羅列主人早逝殊爲慨然

久虛書札報潛夫感舊來尋滿徑蕪古寺鐙殘思
白社空庭花發痛黃鑪山中知已高南阜江上懷
人屈左徒留得池東書庫在吟魂長傍月輪孤

小集半園看菊季修主人出榕門先生課孫

圖及諸名迹同觀卽席得二詩季修曾令衡山山有

癩殘墓去年風雪中曾集此
今從海舶歸已過古重陽矣

去年煨芋語殘師今日柴桑返故籬萬里風濤舟

一葉送人來補菊花詩

哀遺草堂詩鈔

卷八

三

空堂先德墨痕留四壁雲烟一幀收我與主人同

興味西風對影淡於秋

湘江舟中題劉晤樵畫

楚尾吳頭客往還尋碑著屐看秋山近來冷句無

心得多在疎林野水間

秋日游常郡古刹後圃有作

誰從塵外任婆娑兩載游蹤在澗阿亂竹清池秋

意淡小山叢樹夕陽多幽禽忽起聞僧至野草新

黏認客過寒磬數聲歸去晚石幢回首香烟蘿

松菊猶存圖桂林李次星作持贈楊性農太史約九日善德山登高先系小詩

榮悴各異境時序爲推移澹然閱物理吾心空自知
遠歸涉萬園青松無媚姿籬菊尙含英未及重陽期
慈竹蔭正長寸草心轉滋琴書發古慮世事浮雲曠
原生貧自樂長公仕失時寢迹茅簷下空憶商山芝

晏然古君子畸行不偶俗和陶飲酒詩言刻在山麓
味淡情自真韻遠質逾樸想見彭澤人閒靜愛

裛遺草堂詩鈔

卷八

四

幽獨悵然念山寺亂後無人復我爲經營之庀材
取山木卷阿構小亭秋高招近局竹深冷無人悠

然猶夢綠

德山殿宇久廢余議修復山背建小亭取西陂類稿中竹深僧夢綠之句顏曰

夢綠亭

我行指江海波濤無停輪十日闔萬里御風且揚
塵回念東華侶凋喪失所親斯文久陵替空嗟太
雅淪繁昔同游地孤忠風未湮

昔年遇性農子壽於松筠巷手

摹臨難書貞石鐫輪囷

余劉刻忠愍公臨刑時遺囑墨迹存北河

洞庭

遇黃子維舟言笑真安能謝塵鞅同爲隴畝民箸

書自忘老珍重名山身

古有沈冥人松菊結深契我與移芝翁同作重九

例當年桂林客畫圖供閒寄我云鬚眉古畧得詩

翁意持贈草元亭于茲得心愒靡靡秋已深蕭蕭

葉將墜蘆銜蓼雁哀林空眾蟬闕我有一樽酒酣

歌恐憔悴題詩常苦多聊以記晚歲

性農太史曾約德山登高不至詩來依韻寄

荅

海天萬里艤舟還累月幽棲自掩關獨有閒情尋

袁遺草堂詩鈔

卷八

五

古德却隨冷雨看秋山竹中避客思高躅松下提

壺識醉顏底事重陽人負約幾回折簡到林間

槌拂誰開夢覺關浮邱拄錫此名山

宣鑑禪師從浮邱來住德

山有喻已廢

荒涼墟廢餘蓬顆冷淡僧來語菊斑世事

儘容千日醉古懷消受九秋閒和詩舊憶亭林老

又向空江送別還

前摹萬年少送顧亭林秋江別思圖海華題詩性農屬和今又

從長沙歸越四年矣

十月十九日招同性農太史李雪方謝指臬

諸君同游德山歸飲寓園有作柬性農

青山抱古心招隱如有待籬荒野烟深黃菊猶好在兼旬別山寺悽愴風物改古木落蕭慘寒梅滋蓓蕾故人出冷句古質發新采長嘯棲鷗驚狂吟老僧駭孤亭隱深竹奇趣出瀟灑冥搜攝萬象幽境契真宰兩生懷抱古於茲見天解溪山拾得多未用一錢買

我循嶽之麓十日風塵多境喧心乃寂悠然懷軸邁昨與詩老約載酒重來過尋塢度荒蹊綠錢生磐陀僧房有舊墨

余守永州葺朝陽巖題字墨底今在德山僧處

遠憶朝

袁遺草堂詩鈔

卷八

六

陽坡平生蹤迹僻多在澗與阿儻募方自喜不顧世所訶惟君有心契相視無平頗但結文字習山水同婆娑散策適吾適行將辦笠蓑

幽泉如隱士在冷無人知我移小亭至坐聽泉聲

澌有懷主郡吏遠隔湘之湄昔年著政蹟同刊峴

山碑

亭爲葆芝岑建余移至泉上芝岑與余先後守郡

閒行曲碕上霜風

振林危衰柳敲夕陽枯荷倒空池寥天寒逾淨羣

雁有餘悲楓葉翻古紅不類春花姿感茲山氣清

益動巖棲思言結居士廬樹底成茅茨

夕景薄崦嵫山風悚游客寒鐘沈遠水烟化一江
碧命疇二三子舟中理書冊手持志乘編流觀山
川籍時攜性翁所著
武陵志同觀昔年入西山秀語秋士得披
吟共欣賞觸我幽討迹并觀王霞舉
游西山詩不訝篙師遲
時作吳兒拍江湖雲水黯荒寒詩思積但與古情
會未受塵物役歸閒赤泥甃冷月已滿席

題李雪方欵竹圖

昔從僧舍見君書骨似西臺韻有餘一面便深金
石契三年嘗訪水雲居閉門老去陳無已隱地誰
裒遺草堂詩鈔卷八
七
尋孫太初雪色鬚眉冰樣性只將冷趣寄簪簪

將之澧州與性農太史夜語次日風雪大作

維舟數日用昌黎雪後寄崔二十六丞公

韻柬性農

朔風一夕號天關磬頭忽變瓊瑤山我有披荒斲
古意乃在斷壑幽巖閒前宵温温敷席坐嘍暗世
事摧心顏逸驃亦爭薺與矰長鳴伏櫪思天閑老
梅崛僵氣象古孤芳冷落隨茅管憶昨尋秋踏山
寺吟者皸瘵愁難攀閉門詩思如亂草撐突肝肺

無由刪高篇絕景動驚俗旁有萬象相迴環我憶

殘僧此山客山寒品字柴頭彎髡殘武陵人余和破山詩原唱有三

个柴頭品字彎之句橫舟賴子破岑寂一語詰曲開天慳坐

見漁樵歸徑失嶺外凍雲方癡頑

書程稚蘅畫

清尊舊侶散如烟古寺延秋記昔年淮海畫師頭

盡白墨痕同弔小松圓秦韻亭在京感故友零落同為憮然小松圓閣稚蘅

尊人序伯先生齋名

坡公生日岳常守署構小閣落成因名壽蘇

裒遺草堂詩鈔

卷八

八

閣小集同人芳宇攜舊藏蘇齋題坡像賦

詩次韻荅之

鏗共長明玉局仙蘇齋逸事至今傳孤山疊韻逢

僧語昔在永州臘日游朝陽巖用坡公游孤山訪惠勤惠思二僧韻斷硯摹殘贖

墨緣曾于壽蘇日鈎黃石齋藏坡公墨妙亭斷碑硯製箋同向瀟湘留宦迹

芳宇與余先且攜笠屐想當年閣成忽動鄉關夢

紅葉西崦好息肩芳宇以家山圖示余昔年游西山看紅葉芳宇故園去西山不遠

蘇壽後三日芳宇復招集仿玉局黃樓歸用

前韻紀事

玉帶金蓮望若仙負瓢踏雨亦堪傳西陂再仿蕭

疎畫宋牧仲募元人畫東閣重尋冷澹綠到處湖

山留勝迹不知風雪逼殘年犬聲似豹雲如墨有

客行吟正聳肩

已巳除夕小亭梅開一朵仍用前韻

誰汲寒泉配水仙

東坡書林逋詩有配食水仙王句

同龕彌勒慧

鐙傳

余時懸詩龕祭詩圖

欲尋一葉參茶悟

一葉庵尙未得游

且對

孤花證雪緣抱得冬心娛晚歲語將春夢感流年

復遺草堂詩鈔

卷八

九

先生海外歸來日書畫叢殘負滿肩

余泛海歸得書畫甚多

二月十五夜登壽蘇閣看月四用前韻

笛聲嗚咽挾飛仙閣藉髯蘇萬古傳天地空明今

夜月山川寄託此生緣扁舟東去曾趨海孤鶴南

飛不計年玉宇瓊樓高處立清光穿樹照吟肩

性農知余在禮構壽蘇閣用子紀事韻見寄

五用前韻答之

老柯近跡學頑仙喜見佳篇正雅傳

性翁詩刻入國朝正雅

集地接欒城來後輩

坡公直欒城籍與余居不遠

堂同駕部有

前緣

余遇性翁於椒山駕部堂性翁由翰林改官駕部

蕙蘭薨作湖山主

巡岳常只三月餘

種樹誰知魏晉年

性翁家近仙源

石上留題拂

蒼蘚飛鳴二鳥定齊肩

修復德山寺刻余二人詩於石

清明日偕同人游澧陽水月禪林得六絕句

峭寒風雨近清明今日清明滿放晴遙指大隄東

去路綠楊如畫隱春城

扁舟如葉下吳頭宦迹閒於水上鷗回憶紅橋修

禊日柳絲牽夢到揚州

去年上巳日過揚州與吳讓之汪硯山黃子鴻諸君

相聚旬日憶昔漁洋紅橋修禊鶻詠之盛今昔固無殊也

懷遺草堂詩鈔

卷八

十

閒尋水月飯伊蒲有客松閒挂一壺

陸允三攜酒來游草

長鶯飛春又老菜花深處一僧孤

春水方生上釣磯我來魚鳥共忘機斜陽一抹沙

汀晚閒看兒童放犢歸

仙眠洲畔草萋萋高士曾居水竹西

仙眠洲水竹居唐詩人李

文山舊址

三宿空桑雲不住無人知是白公隄

余方修隄上三

月卽去澧

東山絲竹過中年白日青春共惘然醉裏題詩寄

蘭若墨痕留與後人鐫

去禮前一日偕同人重游水月禪林雨意甚
濃竟得暢此游興喜而有作

禪扉幾度聚吟儕載酒尋幽到處皆野水淡搖新
柳碧春光濃入夕山佳天留雨勢舒游興人藉詩
情遣別懷明日蒲帆過珮浦題名知又滿蒼厓

再來五筭重葺石蓮閣九日來游賦詩鐫于

石上

敗葉寒花又一年秋深倚杖入蒼烟石頭識我重
來意閱世無言證老禪

夏遺草堂詩鈔

卷八

七

連日風雨落葉滿山遲客不至檢僧一智枯
筆山水殊有冷趣卽用僧自題詩韻書於

上

霜落空林葉滿臺閒行曳杖獨遲回雨中攜得殘
僧畫目斷寒山客未來

昔在都門乞卽蘇門先生畫爲作墨蟹僅露

眼爪餘紙悉以淡墨點水草意殊超妙偶
與喬松軒話及卽於紈素倣之戲作小詩

書於背尖又二字非見此畫不知也

稻梁肥處任爬沙編籜篝燈問酒家盡把墨痕化
菰蔣似從水面鬪尖叉

臘月十九日詩境亭偕同人拜東坡像案上

陳蘇詩與宋牧仲集適宋小崖至喜而有

作用牧仲韻

去年構閣名壽蘇搜巖探幹勞山夫

己已在禮州構小閣十二

月十九日落成因名壽蘇閣延芳

宇攜覃溪題坡像同聚唱和甚多今得守溪銘小

像清臞不類多髭鬚

庚午得王守溪題坡像清臞不類世所傳多髭鬚像詩

境亭前爲公壽前蘇後陸相涵濡

詩境亭以放翁書詩境二字命

裏遺草堂詩鈔

卷八

三

名與何貞老有長古紀事

道人彌陀一龕共豚魚羅薦收市區

靈風髣髴咫尺接神其來與竹素俱公之豪氣作

星斗或從下界同清娛笛聲吹落山月孤愁生疊

障烟江圖年年雪天稱觴祝左列書畫右樂孟眉

山樂城動千里翠蕤雲梢摩天衢萬古心光自不

朽此外身世皆虛無寒窗冷硯避人事圖懸笠屐

老且迂裔邱異世有同趣如同秋月參文殊

壽蘇故事

牧仲嘗舉行之小崖乃牧仲裔孫

開尊狂喜裔孫至老梅花發空

庭隅同拜公像握手笑蒼落踏破驚園奴

孟陬九日偕同人遊石蓮閣得一亭歸見宋

小崖案頭有牧仲先生用虞山先生自拂

水至吾谷尋南巖諸勝詩韻卽用其韻紀

事

搜山奇趣如飛騁客兒不待山主請纔聞凍滴絕

深簷早見春痕冒高嶺東皇生意不可耐野草全

蘇柳芽猛繫余七年駐五溪浮蹤汗漫隨風梗載

書曾泛滄海東移碑又從岱宗頂

去秋泛海歸前過泰安見秦李

斯幾字屬守冷于環詠亭

儻看新羅鷓子過金剛一箭逝俄

衰遺草堂詩鈔

卷八

七

頃再來石上又題名以緘名園閒簿領

余取戴凱之竹譜江

漢之閒竹箴根深耐寒名小園爲箴園石上鐫再來二字

酒客法士日滿座鷓

夷或勝餅居井忽聞百鳥呼春風南郭流連玩清

景荒蹊古刹僧寮空龍象莊嚴待修整廬阜重來

世事非林樾鐘聲發深省農人欣欣泉脈動雪足

不愁虫食杏居士老矣百無能惟堪蹲踞齧胡餅

見晉書王敦長傳此成都故事也

梨花甕頭潑乳香更向山廚嘗

粥茗老樹荒灣古意多亂竹深苔禪味靜爲表鹿

冢摩丹崖拾得千年山下礦

余參鹿化後埋石蓮閣鐫鹿冢二字

開三丈青蓮花清光倒射袈裟影且將懷抱付笙
竽更有吟哦作縻纒賈島詩吟
咏作縻纒曉暖夜鶴青林深

乳燕鳴鳩白晝永亭名得一矚穹蒼池號洗心俯
深靚臺佟鑿穴孤蹤冥善卷逃名世緣屏久坐不

知風旛飄定後心光殊炯炯自笑文人詬病多水
生波瀾木生癭

乾州秦弼臣來晤同游石蓮閣諸勝瀕行屬
到秦中覓沙南侯碑李壽碑各古刻有懷

舊游再用牧仲和虞山尋南巖韻

蓑遺草堂詩鈔

卷八

古

浮雲海岱遊懷騁秦篆銷沈贖臣請去歲過泰安
見李斯篆只

餘十字曾雙鉤
臣請二字製賤知君挾策走榆關爲我尋碑過蔥

嶺卅年夢想沙南侯立馬天山風雪猛伯兄仲姪

居長安亂後山川音問梗余長安有家自兵馬後
久無信到已數年矣

當年蜀棧入秦關題詩常寄太華頂竿橋自種檉

三年杜曲久荒田二頃我同子美觀漢陂白閣終

南心已領十年河隴漲風烟極目荆榛見睂井聞

說金繩一炬空流涕江山歎風景長安城外金繩
寺最壯嚴弼臣

云已爲
賦殿君從絕幕領飲飛二三豪俊乾坤整歸來

罷騎汗血馬共話壯游心自省招邀伯鸞歌秀麥

謂梁秋厓更喜景文賦紅杏謂宋小厓笑我素餐類挈瓶文

字畫地難作餅老去惟參雪竇禪霜月冰天悟苦

茗余收雪嶠大師畫甚寶重之師有看我巷中喫苦茶句因名齋為喫苦茶巷連朝吾

得及春游粥版鐘魚契虛靜欲尋丹地鬪黃精爲

鑿劍池裂蒼磧龍洞遙聞飛瀑奇石梁倒瀉青天

影聞乾州龍洞瀑布勝于匡廬我欲一洗心肺清試汲銀瓶垂

素練文人自得山水趣韓蘇潮儋元柳永留題到

處別蘚落字映箇簷閒且靚攜來方外書與畫幾

衰遺草堂詩鈔卷八 五

回咀嚼俗塵屏弼臣藏僧道隆書經大捺子墨舟二卷皆佳余留案頭數日扳

作平原十日畱促坐談深殘月炯記取衰斜李壽

碑石門試問霜髯瘦漢李壽碑在襄城石門昔屢過襄城見土人多瘦船山詩

云瘦俗霜髯醜

壽蘇日懸坡公像錄廷芳宇所藏翁蘇齋書

陳伯恭張石公二詩初春尙懸壁上卽次

其韻寄懷芳宇兼懷海華

書畫叢中祀大蘇更耽水石傲孫蒲孫知微蒲永昇皆蜀人善

畫見詩情浩蕩雙江助今早得詩二首皆用宋牧仲雙江唱和韻宦境

畫見詩情浩蕩雙江助今早得詩二首皆用宋牧仲雙江唱和韻宦境

荒寒二客俱玉局同修居士傳緣天重補醉僧圖

遙知瓮叟如鰲腳唐薛大鼎鄭德本賈惇頤皆右治名故河北稱鰲腳刺史欲

把愚溪作鏡湖

齋因詩帖卽名蘇翁覃溪得天際烏雲帖名齋日蘇齊余於臘月得覃溪手札

嗜古搜奇似我無修禊人懷金甲水禮州城外三里金鴨灘去

年修禊於此尋秋夢入石魚湖元次山石魚湖歌詠洞庭作也記將風

雪孤山句題上瀟湘晚景圖坡有鐫到崎嶇吾已題句

老空教山谷憶惇夫山谷有惇夫若在鐫此老不令平地生崎嶇之句惇夫邢

居實字

復遺草堂詩鈔卷八

夫

附錄翁蘇齋書二詩

爐烟齋榜本名蘇使節歸來薦筍蒲六百年過

星緯爛二三人到雪花俱遺珠編校搜珊網祖

硯流傳拭畫圖陽羨有田身計穩未教鄉夢落

江湖崇木

梅華風雪祀髯蘇六百年來此老無世以黨人

爭氣運天教春夢落江湖螿龍冤苦塵沙劫磨

蝸逍遙笠展圖今夕尊前兼送客陽關唱到四

聲夫填

坡公生日僕與吳中張君商邱陳君兩峯山
人爲寘酒蘇齋醉後兩峯繪像兩幀張陳卽
得蘇字各題一律並送兩峯僕爲錄上方俾
各得其一卽以志別方綱並記

緱園早春種樹有作

桃柳梧桐手自分攜將鴉嘴課殷勤
閒園此日添春意古樹他年識使君
窗外青山初過雨案頭奇石欲生雲
漢陰抱甕先生隱不用人間十賚文

前歲過維揚得晤吳翁讓之年已七十有五

衰遺草堂詩鈔

卷八

七

東南書法大宗也偶作墨卉亦非凡筆索
翁畫因老病不得忽汪硯山寄到墨菊乃
往年作超淡絕去人閒烟火爲我重陽生
色矣喜甚書一詩於幀上却寄讓之

乞向竹西來菊本蕭疎清氣滿乾坤筆枯有韻秋

心化墨影如無古意存摹硯世驚遺老在

高南阜
硯史爲

讓翁
補摹

求書人識布衣尊懷寧蟬蛻安吳逝篆勢蒼

茫孰與論

張皋文嘗仿蔡中郎篆勢贈懷寧鄧完
白安吳包脊伯極推服完白脊伯讓之

師

春日游太平菴回憶泛海歸重臨舊地感而有作

自昔尋幽處重來味更長
海天眞汗漫身世忽蒼茫
古寺多春草空山幾夕陽
生涯魚艇小我欲問滄浪

春日游石蓮閣歸見吟樵昆季蠻雲合筆賦
詩用東坡次正輔同游白水山韻紀事

聞道吾生亦有涯
磨丹瀆墨書滿家
青陽冉冉忽易晚
安得倒挽羲和車
扶頭過午厭俗事
山公一

褒遺草堂詩鈔

卷八

五

醉接羅斜招邀近局出南郭
修篁灌木清且嘉
巖石自垂太陰色
萬古蟠結無紛華
春風逞意作黠綴
山呀綻破桃梨花
我恨沱江隘舟楫
嚼啗不受一葦加

箴城不通舟楫余到卽擬開通河道眾論阻不果行

只於石上葺蕭

寺青蓮湧地耆閣誇時將烟墨灑
嘯嘒亦有簫管懸
枒南華道場蠹天半
三年不到荒烟霞
秋風早過洞庭雁
春雨又長池塘蛙
五溪弔古訪銅柱
三吾泐石銘樽窪
攢峯列壑互竦諄
在山遠志歸期差
苦憶黃梅老居士
離騷廿五風搏沙

余與吟樵不見

二十五年君同伸公堅膠漆我如墨子悲絲紗飲泉鑿

面隔江水住山本色無纖瑕東西屋頭有著述蠻

雲焚塞同咨嗟蠻雲合筆細西藏事吟蕉鶴燕昆季作何年栽松更

碓米墜腰石下修無遮當時賢愚俱泯泯且從世

外尋幽遐林閒鐘動指歸路寂歷古木飛昏鴉

小病睡起

示疾維摩詰深宵倚樹根茶烟紆病意花影澹春

痕地僻知交少書殘道味存何年老田舍步履自

村村

衰遺草堂詩鈔

卷八

九

聞西江客館牡丹盛開雨中偕同人往觀不

見主人得二詩

碧玉春流繞寺斜紅情綠意問山家誰知冷雨尖

風裏開徧城東富貴花

羣玉峯頭石作臺狂香浩態背人開如何姪姹春

無主也似貧家看竹來

題劉雲柯畫

雲柯劉子

功煒

長沙人余在永州軍中見

其畫秀有遠韻訪之知學湯晤菴後於長

沙無垢禪林作書畫會秋初別去旋聞歿
於祁陽深悼之見此畫率書一詩

自我來湘中乃見晤菴迹繼有雲柯生矜嚴貌水
石間道學晤菴秀筆轉奇特小冊爲余留巖壑藏
咫尺倘遇櫟園翁錄入讀畫集無垢小禪林秋風
散裙屐鬚眉入夢清髣髴青山色曾作軍中吟又
賦瀟土役三吾窅且深烟霞生痼疾忽傳畫師亡
委蛻在一夕生學晤菴畫死作浯溪客雲沙入渺
茫宇宙少遺墨擬將居士傳泐向谿園壁拂畫欲

裒遺草堂詩鈔

卷八

三

呼君山空冷雲白

裒遺草堂詩鈔卷八終

袁遺草堂詩鈔卷九

北平 楊 翰 伯飛

方孚若三刻放翁詩境二字余與何貞老賦

詩以詩境名亭將去五篁摹二字刻石籥

園壁閒賦二詩紀事是放翁二字世有四

刻本矣

龍隱巖前拓本傳武溪字未沒荒烟宸尊尙待尋

遺迹韻事重添六百年

浮鷁驂鸞去不回擘窠大字鎮山隈幕天席地尋

袁遺草堂詩鈔 卷九

詩境曾向蠻雲得句來

浦山寺 屢過浦市不知山寺之勝辛未八

月來游紀詩

浦烟山月數來過初地誰知在澗阿菊小已含秋

氣味池清不闕世風波經輪自轉心光定 寺有轉經樓

碁局閒觀劫運多 僧光林善碁 殘墨猶存贊公壁祇園

苦憶病維摩 壁上有劉子重書子重臥病前年京師重晤不勝感慨

上菴

維舟日日訪僧寮江上秋深草木凋癡院松高依

古佛空山梅老識前朝塔鈴自語禪心靜旛影常
飄幻夢消笑指壺頭青未了倦游歸去狎漁樵

九日游常武小琴園晚與鮑淡生同過劉石

渠一枝山房

九日尋幽素有期琴溪小築款茅茨牆頭老柳衰
堪畫林外秋山淡入詩訪菊客來寒雨歇採菱人
去晚風吹歸逢舊友談書畫古意婆娑寄一枝

性農聚於常武又晤於沅江舟中有作依韻

却寄

衰遺草堂詩鈔

卷九

二

論心纔酒半矯掌忽舟中身世雲歸岫文章月在
空鄉心飛塞北舊夢落江東佗傑誰千古幽憂二
客同

獨游常郡城北菊圃茶社有作

城北小園古樵風一徑斜閒情寄丹橘冷趣在黃
花感舊偏聞笛懷人獨品茶扁舟隨所適雲水是

吾家

書城以尊文畫松月圖屬題侵晨纜解書城

忽返棹五溪追之不及悵然書此寄之

杖策尋秋去常呼二客俱長松人意老明月道心
孤僧至淡無語詩成冷欲逋峯青人不見何處問
菰蘆

書尊文畫

秋光漠漠晚江鄉聚語閒園客味長紅樹青山歸
去好且隨冷雁過衡陽

過胡恕老用壁閒何貞老韻

西風又過定王臺柱杖延賓徑屢開卅載論交公
早隱三秋譖舊我重來歸心冷淡依寒菊老態婆
衰遺草堂詩鈔 卷九 三

娑笑古槐四壁貞琅暖叟在蛻園何日共銜杯

白蘭岩寫墨菊見貽時已立冬感觸往事得

六絕句兼柬性農

官閒日日畫禪參愛寫黃花氣味諳寒到九秋仍
傲骨又從冬後現優曇

風挾帆檣勢欲飛舟師寒噤結成圍誰知陡湧樽

乘日雲白山青送我歸

十月初二日大風舟
中危甚次早忽霽

琢石爲盆雪浪奇蒼然相對得幽詩齋中五岳眞
形在榜字輪囷媿篆師

蘭岳有桃源石盆詩
屬書小五岳出房匾

鬢髻衰柳送秋風牆角芙蓉豔冷紅讀書一
集此古懽喜與故人同

權署翁玉甫劉子迎
三次邀集賞書畫

滄海無從挽逝波小儒嘍喑奈愁何只餘著述堪
千古詩刻金剛塢院多

余與性農賦詩數十篇
刻在金山金剛再來處

林宗祠畔憶鄉關諫艸堂前客早還相約他年結
茆隱同攜殘畫看西山

蘭岳家郭有道祠畔性
農與余遇於忠愍公祠

得高南阜片紙作枯木寒雅題荒落二字喜

甚作此

嗟予荒落今如此獨與先生結畫緣峭石枯枝成

衰遺草堂詩鈔

卷九

四

草隸昏鴉幾點入寒烟

十月九日張力臣招飲看菊有作

爲尋晚菊踏蒼苔放眼層樓八面開愛畫摻書如
選土栽花壘石亦須才千山瘴雨揮鞭去萬壑蠻
雲擁句來酒味蔬香兩清絕飛騰綺麗共銜杯

力臣用前韻再疊却寄

綠沈槍臥枕荒落叱馭王尊閣道開我賦五噫銷
壯志君傳三影屬仙才花光冷淡秋風過樹色蒼
茫古月來莫把榮枯論世事消寒且約倒深杯

力臣十月九日招集語及道光己酉鄧湘皋
黃虎癡楊紫卿於是日在夢高峯展重陽
會不勝感慨再用前韻三疊奉酬紫卿有
春星閣集虎癡刻米書於芙蓉樓湘皋有
沉湘耆舊集

西巖展印昔時落閣訪春星戶屢開風月自能親
我輩江山端的藉詩才菴中蕉葉書全在樓上芙蓉
客客再來余兩至慨想當年耆舊盡玻璃且覆掌

中杯

袞遺草堂詩鈔

卷九

五

李次青同年用前韻見贈四疊奉答

石蓮閣步謝公落賦筍齋閒蔣徑開先正集培天
地氣次青著國朝先正集北征詩盡古今才次青用杜老北征詩韻紀苗疆
報捷神仙供奉前身現金碧將軍畫本來絕域功
成存史筆湖湘浩蕩對銜杯

唐蔭雲齋中看菊五疊前韻

鳥簇寒林似點落

高西園句

西園公謙綺筵開傾將伯

雅尋真味嘗徧侯鯖識雋才花氣冷於東晉後墨

痕搨自盛唐來

蔭老藏開元投龍告文銅版星農拓贈

應知福壽皆

無量更進紅螺蘸甲杯

壁閒有前賢書福無量壽亦無量匾

六疊前韻贈朱暝菴

霜豪飛雪劍生落鑿險文章混沌開對酒人多名
士氣還山天與箸書才政從棘塞艱難見詩湖河
源莽蕩來世界三千歸瞑目翩然披髮一揮杯

七疊前韻柬郭筠仙中丞

門無車馬亂深落爲接詩人逕一開濟世立身三
不朽談兵箸史兩須才高雲暫許山中住

傅徵君有高雲

篇大月曾浮海上來事業合公碑有道行藏聊復

哀遺草堂詩鈔

卷九

六

寄閒杯

過上林寺有作八疊前韻

蕭寺寒生佛面落堂頭梵放法筵開尋書古壁瞻

經三

見暖叟隸書似北齊經石峪王子椿經王二字摩崖

禮塔中峯識辯才

慧林西枝皆通脫可談

春草待循衡麓去雪天歸自大峩來

寺僧從西川回

遠公白社同參究可許淵明共一杯

西枝在筠

仙力臣暝菴處禪悅談及息柯居士

雪中芳字用壽蘇閣韻六疊奉會兼柬黃海

華陸韻山

雪滿終南紀浪仙西峯殘滴至今傳閒身正遂松
鱸願冷句重尋竹鶴緣雙井老懷宜晚歲平原豪

飲入新年

再十日
立春

蟄龍欲起銷磨蝸雅道應擔萬

古肩

坡公小像張石公題有蟄龍磨蝸
語董思翁詩雅道寥寥有荷擔

題郭子澗讀書秋樹根圖 子澗善作篆書

與人題 與余遇於常武余欲重葺德山乾明寺故

詩中及之

老樹變秋聲獨立峭寒影坐翫孤根奇散帙娛清

景逢君枉山麓夢綠開梵境

杜山余建
夢綠亭

落木下蕭

復遺草堂詩鈔

卷九

七

蕭拾薪藉梧鼎屬顏讀書圖丹鉛作修綆蝨簡惜
邊墜三古誰要領年少獨不廉綴學絕馳騁愛作
蒼雅書周籀秦斯併好學乃爲福逸莊語可省他
年入明光柯亭復劉井我已辦山裝蕭寥慕張邴
重尋善卷壇耆闍待修整詩呈古佛座眼向青山

浴

壬申三月廿三日張力臣招集契園重展上

已以此地有崇山峻嶺茂林修竹分韻得

有字三十韻

畸人偃蹇愛林藪三請黃鸝出谷口芳晨冉冉過
兼旬折簡重招山澤友朝篔抽却一事無婪尾春

光莫相負於陵灌園仲子契榜書輪困大如斗余題

力臣園爲契園取漢碑於陵灌園之契語社公雨過曲碕前女郎花豔

短籬後香清茶醞琴情惜有客登樓延睇久凌虛

拔地駕飛鸞恣力般倕蠹拱料丹梯碧欄獻蛾綠

倒景奔逐窮深眇三層高著陶先生曲林臥聽松

風吼我思功甫南湖園羣仙繪幅巍然陡登臨盡

見江湖山奇句高吟驚戶牖迴廊深院罨晴絲長

裛遺草堂詩鈔

卷九

紅小白垂紛糺鳴鳩乳燕啣春聲蓓蕾中林生哺

毳坐望流光感鬢絲人生會合緣亦偶愛客滿堂

盡豪翰杜句十篋成書堪不朽有客下筆如龍蟠頡

籀鬱律斯冰走謂郭筠仙水帶雲帔道士裝林閒鶴似

君山叟岳州吳南屏作道士裝我亦草書空雄壯點畫狼藉

嗟病拇昔年典郡兼守邊帕首鞞刀擊羣醜今思

往事如飛電歎息支離柳生肘笑看甘蕉合被彈

且喜苦李得全守蓬蒿獨往尋羊求邱壑過人追

廣受誓墓無須內史文閉門且盡山公酒邇來雙

眼生狂花坐看浮雲幻蒼狗去年菊斑點林薄強
韻連篇展重九殘軛今恰得壬申是日早間忽得
永嘉六年壬申

古軛韻事更番展癸丑登梓帖傳鹿脯奇加籩味辨

熊蹯厚禮經明視置兔鮮更調鳩婦烹鷓鴣鼻書畫

詩文一一奇若論膳夫更無耦老饕一笑得未曾

豈同先生號烏有

吳南屏示上林寺餞春作用原韻奉酬

坐憐春盡落花筵余見南老筵字韻詩常想其
人適用此韻原唱所無也偶

向支公建法齋禮塲常依孤月冷看山久愛夕陽

褒遺草堂詩鈔 卷九 九

佳新詩勁似吳淵穎奇趣多於貫海涯小雲石海
涯貫酸齋

名也各藉題名鑄寺壁狂來不惜硯汗鞣用陳堯佐
佛寺題詩

倒研汗
鞣事

南老詩來道齋中肴酒甚佳再用前韻

庾郎鮭菜虞棕臠仙聖間評媿冷齋力翁謂蔭老
菜中之聖余

菜中之仙蔬筍味真安淡泊園林地僻得清佳生同樊

榭耽山麓余與厲樊榭
同壬申生韻續蘭亭聚水涯是日觀
蘭亭圖

宴過滄浪重入社四月十九為
滄浪亭宴日蒼落再印道人鞣

意城詩來云將返里時方約遊嶽麓山詩以

留之

浴佛西林三日雨堂頭先共律僧齋先日意城誦游上林寺

人蟻鶴歸何暮留我鶯花小住佳貌得山翁圖水

次時作展書成石篆重泉涯會子固石篆詩初留泉涯俗誰顧意城善篆

六朝松色方招隱且緩還車待捉鞵

羅硯生贈余詩未及見四疊前韻先寄

浣垢題詩塵滿壁十年相聚舊書齋硯生浣垢禪林題詩僧置

壁間暖叟與余和之已十年事矣也知飲水須求淡只覺游山漸

入佳愚者談經緣未了硯生有方密之僧後畫又號愚者題語有天下事不

袞遺草堂詩鈔 卷九 十

了了之花之乞米趣無涯冬心又號花之寺僧有乞米墨梅一軸趣味殊

超閉門覓句吟成否水部堂前已滿鞵硯老贈余詩尚有一

句未成而客來時何鏡海招飲已速客矣

吟樵與余同生於嘉慶壬申四月十九日同

治壬申生日賦詩寄懷五用梓湖翁韻

西望峩峩懷道侶良書久濶墨節齋翁覃溪書墨節齋三字吟

樵藏項在奎垣欣遇卷中又見翁書此字墜腰石上人皆老坦腹窗前

少并佳吟樵一子一姪皆吾輩故友琴悲大還閣新詩龕續

小西涯謂亡友曹稚雲善琴吟樵藏有法時帆詩龕圖摩訶池畔頤園路

余故園在訪舊荒涼草沒鞵吟樵前身爲黃梅道
摩訶池外訪舊荒涼草沒鞵場僧有紀夢圖黃梅
有六祖墜腰石
余以拓本寄蜀

壬申四月十九日吳南屏賦詩爲余壽依韻

答之

瀟湘清夢四壬申

宋牧仲壬申四月十九日夢申
記與漁洋同吟瀟湘雁影一絕

醒來一字不失
今已四壬申矣

壇坫於今幾替人石隱待尋嶷嶽

路橋官先醉洞庭春時敲古韻吳才老徒博狂名

賀季眞一幅冰單詩萬句添來故事菘林新南老
餽單

悉書自撰句爲
前人所未有

袁遺草堂詩鈔

卷九

十一

郭意城用南屏韻疊韻送其歸里

周鼎會鈞紀孟申

壬申元日會鈞
周孟申鼎紀歲

山林忽已老詞

人詩如束筍添今兩心似餘花寫古春一代機雲

文壽世千秋班馬史存眞遙知栗里風光好倚杖

聽泉句更新

梅根居士用前韻爲壽三疊會之

甲子驚心嘉慶申

張九齡詩嘉慶始獲申余
生於嘉慶壬申借用其語

名山

風雨老斯人門庭蕭寂韓康伯經義紛綸井大春

搜編三湘文載道

根輯湘
南文徵

評來兩晉帖存眞觀齋

中書掃晉
人小楷

十年長我袁絲健花下重逢白髮新翁

歲余丁

梅根老人用詩境二字偶拈余二人號成四

疊韻

詩境填胷意未申支離壇席兩詞人琴彈海月三

更靜梅挺山根萬古春載酒聞鶯風味遠

用山深四月聞

鶯意

披圖相馬品題真

梅根藏錢南園先生畫馬

一枝柳栗君無

用

翁有南嶽藤杖健步不用

看竹敲門得句新

孫閱青用前韻為壽五疊和之

袁遺草堂詩鈔

卷九

三

山舟九十歲逢申百二詞科後輩人

梁山舟九十歲書壽字恰

在嘉慶壬申余鉤款書以自壽山舟又恰為乾隆壬申科詞林前輩

嘒墨知微工畫

水用東坡紀孫知微畫水事

流觴子野共吟春

自張氏契園重展上巳後至今

吟詠不絕

閒中閱世官成隱醉裏逃禪趣得真從我

吾同訪古漫郎舊宅已重新

時方修復元漫郎宅為歸隱計

李次青同年用前韻六疊奉酬

野鹿消搖離上申

山海經鹿出上申之山余嘗以一鹿自隨

於今退院

老禪人奇功早泐紅崖字

紅崖古刻殷人平鬼方勒石今在貴州永甯次

青平黔其功甚偉

遷客猶思綠洞春

山谷澹崖詩洞口綠樹仙家春余時將返

永
州書似西臺風格峻詩吟北地性情真贊公房內
圖游侶好句重題墨色新
西枝僧擬圖前集上林寺諸詩人像并錄詩鐫壁

意城家居不入城市疊前韻寄懷七疊却寄

久林樊榭共生申

僧久林厲樊榭與余同王申生

難得僧儒盡冷

人夢裏星河三峽影

余生於蜀每至生日輒思蜀不置

醉中日月

九華春心安始信貧非病官退須知懶是真淡語

陶公君領取良苗田舍正懷新

西枝上人用前韻爲余壽八疊和之

衰遺草堂詩鈔

卷九

三

色界蓮花墨紀申

過羅硯生齋頭見鄭板橋畫墨荷乃壬申年作

一花一

葉一禪人身同枯木原無想心似空潭偶瀉春白

社尋詩同慧遠緣天學草繼藏真

懷素名藏真

當年石

塢西湖去留伴東坡疏最新

石塢長老求解院歸西湖坡公袖中出疏

有爲東坡少留之句乃元祐壬申事

張力臣用前韻九疊畬之

蘇齋詞館紀王申欣遇蘭亭卷內人

翁覃溪先生爲王申前輩

頃過羅硯老見奎垣欣遇卷翁書藁亭

七百年摹元祐像

余刻翁題坡公像始

告成重三節展永和春

力臣摹刻展稷圖嵌壁間

仙居我愛幽宏

景吏隱時逢梅子真

謂孫閻青田二雲常至契園作畫

自笑先生

饒古癖磨輒作紙歲翻新

力臣索余近製晉壬申輒箋筒

左仲敏賦詩補壽十疊前韻為其寫照

熟讀離騷志不申

楚辭獨處分志不申

長謔喜遇楚狂人堯

章白石鐫繆篆

姜堯章有白石生四履印

子久青山寫富春醉

裏遊仙隨所適曲終奏雅聽其真耽吟修禊連消

夏又見榴花照眼新

自展上已後至午日吟詠不輟

癸酉游粵東四月十九日余生辰抵廣州喜

晤秦逸芬乃誼亭弟山水同得南宗正派

苞遺草堂詩鈔

卷九

十四

偶憶石谷漁山皆生於康熙壬申因十一

疊申字韻紀事

耕煙散客降壬申墨井同生兩畫人石寫墜星心

共醉

石谷寫醉星石與南田共賞

齋題非水韻傳春

漁山集非水齋會寫

春聲圖

清游適性同蕭介

蕭介性高簡惟與族兄琛從弟淑等同游

晚歲

求才有法真

法真於歲終選舉識胡廣試為天下第一

珍重阿兄殘稿

在秋煙幾筆尙如新

過永州舊治張東墅守郡置酒愚園因懷蘇

米故事十二疊申字韻

東坡南返在壬申

坡公自揚州召還米老方知雍邱具飯餉之酒一行卽伸紙共

作字小史磨墨幾不能供以爲平日書莫及也此元祐壬申事

顛米雍邱作主人

壁上英光巖壑秀壺中豪氣海天春

東聖得一石有壺中九華

意

韓刀擊賊曾三卻蠶蠟尋碑得九真

昔在永會遣工拓未

陽吳九真太守谷則碑

竹馬歡呼公未老游山載酒又從新

有懷長沙同社諸君子偶閱沈歸愚書壬申

文選後云松江幾社主社者夏彝仲陳臥

子諸公於辛未同集爲不朽業凡十一人

皆人士之魁壘者余辛未自五筭解組來

奄遺草堂詩鈔

卷九

五

長沙壬申契園同集紀年與人數適符因

十三疊申字韻并感梓湖翁之沒移芝叟

之書

婁東幾社結壬申壇席剛符十一人逸格不同譚

友夏

幾社諸公力埽竟陵譚氏結習

孤懷欲繼宋登春

鷺池生宋登春吾鄉

人明高士也

梓湖仙去悲千古芝室書來問二真

薛瑩詩二

真無處問虛度武陵溪

離合邛堪追往迹生天成佛識重新

申字韻詩以余生於嘉慶壬申今六十初度

適得晉甄文云永嘉六年壬申宜公侯壽

百年因賦詩十三疊竟未專用晉軹故事
爲韻自南海還山十四疊寄懷同社諸詞

壇

永嘉軹古得壬申廿七輪來周甲人黃菊朱萸開

舊社展重陽有契茂林修竹感前春壬申展上已十一人以此

地有崇山峻嶺白鷗今日空餘草潮州得昌黎白鷗賦石刻

青笠佗年再寫真用坡公笠屐故事倦鳥已還雲不出臥

看名句逐時新

題孫闓青畫陳春樵扁舟北上圖

苞遺草堂詩鈔卷九

十六

小聚萍蹤吹古香余與春樵初相識於聽泉吹古香室邊頭舊績話

循良功成林邑思宗慤用宗慤征林邑製獅形服象事時西防奏凱前春樵

與余同守邊破浪風乘萬里長

孫子新從江海回銜杯重上定王台秋風送別懷

年少惆悵亭林不再來上年閩青曾爲余摹萬年少送顧亭林秋江別思圖

水盞昔年端午雨中下學櫺紅蒲綠風味雋佳見

潭生扇頭小景有感率書小詩

黃梅一月雨清景將天中蛙聲漲陂塘水花香濛

濛

壽譚仲維 涪溪元次山舊迹余爲補葺皆仲維監修

石魚鳧舫出心裁小築谿園近水隈人與青山同
不老樽開黃菊又重來半生寄迹依林藪千載題
名傍釣臺君似瞿袁隨漫叟他年有客認蒼落

褒遺草堂詩鈔

卷九

少乘洋風吹古色
如長功成
公何破浪風
探于新從
少擲懷
日翁曉臺
小寺
日爲真
壽

蠶豆行爲葛小梧作

余權常德時葛小梧延爲龍陽尉余見而
賞之洎余守永州閱二年來知在寶慶以
事註誤時永方用兵余使從事章武營得
復官旋畱永及巡五筭亦相從辛未余去
官小梧權龍潭遇寇僅以身免同寓長沙
夏雨苦寒貧甚以蠶豆一器遺余使婢持
絹衣求售余感舊事淚涔涔下爲作此行

有客有客宦南楚如蟲食蓼中心苦相依一客同
夏遺草堂詩鈔

卷九

六

驅蠱衣之食之吾與汝去年梟獍走郡縣都護避
賊乃如鼠客與妻孥遁倉皇竄跡荒山伏榛莽相
依之人亦去位一客獨行尤踽踽今年苦雨夏多
寒竈無溼葦釜無糈小婢持衣入市賣縞絹單寒
色如土又持一器獻所依蠶豆老矣和鹽煮嘗之
風味憶田家咀嚼何須添酒脯還器畱衣亦自憐
落落天涯去何所開門風色又霏霏躑躅空階淚
如雨

